



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2024/0025

Paneli Shqyrtues, i emëruar nga Kryetarja e Organit Shqyrtues të Prokurimit (OSHP), në bazë të nenit 105, 106, dhe 117 të Ligjit për Prokurim Publik të Republikës së Kosovës (LPP) në përbërje nga Vedat Poterqoi - Kryetar, duke vendosur sipas ankesës së Operatorit Ekonomik (OE) Sodex Group SH.P.K., kundër Vendimit për dhënie të një kontratë ose të një konkursi të projektimit të Policia e Kosoves në cilësinë e Autoritetit Kontraktues (AK) lidhur me aktivitetin e prokurimit "Furnizim me paisje policore" me numër të prokurimit 214-23-11358-1-2-1, me 25/04/2024, mori:

Vendim

1. **Aprovohet**, si pjesërisht e bazuar ankesa e OE Sodex Group SH.P.K. me nr. 2024/0025, e datës 08/01/2024, kurse vendimi i AK Policia e Kosoves lidhur me aktivitetin e prokurimit "Furnizim me paisje policore" me numër të prokurimit 214-23-11358-1-2-1 anulohet, ndërkaq aktiviteti i prokurimit kthehet në **Rivlerësim**.
2. Në afat prej 10 ditësh, AK duhet ta informojë OSHP për të gjitha veprimet e ndërmarra lidhur me këtë aktivitet të prokurimit, në të kundërtën, OSHP ka të drejtë të ndërmarrë masa ndaj AK për mos respektim të vendimit sikurse parashihet me dispozitat e nenit 131 të LPP.
3. Konform nenit 31 par 6 i Rregullores së Punës së OSHP operatorit ekonomik ankues në këtë procedurë prokurimi, i kthehet tarifa e parashtrimit të ankesës.

Arsyetim

- Faktet dhe rrethanat procedurale –

Me datën 26.10.2023, Policia e Kosovës në cilësinë e Autoritetit Kontraktues ka publikuar Njoftimin për kontratë për aktivitetin e prokurimit "Furnizim me paisje policore" me numër të prokurimit 214-23-11358-1-2-1. Me datën 22.12.2023 AK ka publikuar Njoftimin mbi Vendimin e Autoritetit Kontraktues B58 (Letër Standarde) për dhënie të kontratës ku është shpërblyer me kontratë (OE) "Pricom" SHPK.

Me datën 27.12.2023, Operatori Ekonomik "Sodex Group" SH.P.K. ka parashtruar kërkesë për rishqyrtim në AK Policia e Kosovës.

Me datë 29.12.2023 Autoriteti Kontraktues, ka nxjerr vendim me të cilin vendim ka refuzuar kërkesën për rishqyrtim dhe ka vërtetuar njoftimin mbi vendimin e AK-së të datës 22.12.2023.

Me datën 05.01.2024, Operatori ekonomik "Sodex Group" SH.P.K ka parashtruar ankesë në OSHP-ë, me numër të protokollit 0025/2024, kundër njoftimit për dhënie të kontratës të aktivitetit të prokurimit të përshkruar si më sipër.

Ankesa e OE është ushtruar në pajtim me nenin 109.1, të LPP, sipas të cilit kundër çdo vendimi të marrë nga AK çdo palë e interesuar mund të parashtrojë ankesë pranë OSHP. Meqë OE ka ushtruar po ashtu kërkesë për rishqyrtim, do të thotë se veprimet e të njëjtit i referohen po ashtu dhe nenit 108/A të Ligjit të cituar. Prandaj OSHP konsideron se Ankesa i plotëson kushtet e parapara në kuptim të dispozitave tani më të cituara dhe e njëjta bie nën kompetencat e tij në kuptim të nenit 105, të LPP.

- Vlerësimi dhe administrimi i provave –

1. Pretendimet ankimore të OE ankues sipas ankesës Nr. 0025/24

Ne kemi kërkuar qasje në dokumentet e OE të rekomanduar për kontratë PRICOM SH.P.K., ku pas analizës që i kemi pas dokumenteve të njëjtit dhe raportit të vlerësimit të tenderëve kemi vërtetuar se OE i rekomanduar për kontratë është i papërgjegjshëm për arsyet si në vijim: 1.OE i rekomanduar për kontratë nuk e plotëson kërkesën e dosjes së tenderit, ku kërkesë ka qene "Autorizim i lëshuar nga prodhuesi / distributorit të autorizuar të prodhuesit (me titull dhe nr. Prokurimit të projektit në fjalë në kohëzgjatje të kontratës) ", ndërsa si dëshmi dokumentare është kërkuar "Autorizim nga prodhuesi distributorit të autorizuar të prodhuesit për shitjen e produkteve për tenderin (me titull dhe nr. Prokurimit të projektit në fjalë në kohëzgjatje të kontratës) ". Gjate analizës që i kemi bërë raportit të vlerësimit të tenderëve, kemi vërejtur që AK-ja i ka kërkuar sqarime shtese OE të rekomanduar për kontratë dhe i njëjti ka prezantuar një autorizim të cilit i figuron data e lëshimit pas datës së hapjes së tenderëve, pra autorizimi i prezantuar pas kërkesës për sqarime vetëm i është shtuar validiteti. Autorizimi i dorëzuar me sqarime mban datën 08.12.2023, kurse hapja e ofertave është bërë me dt.30.11.2023. Autorizimi i prezantuar me këtë datë përben ndryshim material ashtu siç përcaktohet në dispozitat e nenit 59.4 të LPP-se.

Për më tepër neni 72.3 i LPP-se përcakton qartë: Sigurimi i informacionit që mungon ose ofrimi i informacionit do të aplikohet vetëm për dokumentet ekzistenca e të cilave është e fiksuar, para skadimit të afatit për dorëzimin e tenderëve, dhe mund të verifikohet në mënyrë objektive. Në këtë rast autoriteti kontraktues ka vepruar në kundërshtim me nenin 72 të LPP-se, sepse nuk është dashur të merret parasysh autorizimi i tillë dhe ky OE është dashur të eliminohet nga konkurrenca. Gjithashtu kur analizohet autorizimi i prezantuar nga OE i rekomanduar për kontratë, në të njëjtin shënon që kompania që e ka lëshuar këtë autorizim është furnizues (Supplier) dhe jo prodhues, ashtu siç është kërkuar në dosje të tenderit. OE i rekomanduar për kontratë është dashur të prezantojë në oferte edhe autorizimin nga vete prodhuesi për këtë furnizues, mirëpo AK-ja nuk i ka kërkuar një gjë të tillë të njëjtit OE, andaj me këtë rast është favorizuar OE i rekomanduar për kontratë në kundërshtim me nenin 7 dhe 72 të LPP-se.

2. Gjithashtu OE i rekomanduar për kontratë nuk e plotëson edhe kërkesën tjetër të dosjes së tenderit, ku është kërkuar "Prodhuesi duhet të jetë i certifikuar me ISO Standarde të 9001-2015", ndërsa si dëshmi dokumentare është kërkuar "Kopje e certifikates me ISO Standarde të 9001-

2015. shenim me rendësi - Certifikatat duhet të posedojnë linkun e faqes për verifikim online të vëliditetit të certifikatave!”. I njëjti nuk e plotëson kërkesën e lartcekur për faktin se në ofertën e dorëzuar ISO e prezantuar nuk e posedon linkun për verifikim dhe si e tillë nuk mund dhe nuk është dashur të merret parasysh, për faktin se kërkesa për link ka qenë kërkesë obligative dhe e njëjta është dashur të plotësohet nga OE i rekomanduar për kontratë. Perderisa i njëjti OE nuk e ka prezantuar ISO certifikatën me link, atëherë është dashur të eliminohet nga ana e autoritetit kontraktues dhe jo të rekomandohet për kontratë, pasi që së cekem me lartë kërkesa e lartcekura është kërkesë kualifikuese/obligative të cilën secili OE ofertues është dashur të prezantojë dëshmi që e përmbush kërkesën e tillë. Gjate qasjes në dokumente dhe mostrat e OE të rekomanduar për kontratë, në e kemi vërejtur që mostra (Pranga), e dorëzuar nga i njëjti OE nuk e posedon asnjë shenjë dalluese, e as emër të modelit dhe njekohesisht nuk e posedon as emrin e prodhuesit. Perderisa mostra e tillë nuk i posedon asnjërin nga të dhënat të cilat i cekem me lartë, në dyshojmë që mostra (pranga) e prezantuar nuk është e prodhuesit për të cilin OE i rekomanduar për kontratë ka prezantuar autorizimet. Andaj kërkojmë nga ana e OSIIP-se që të analizojë dhe verifikojë edhe një herë mostrat e prezantuara nga OE i rekomanduar për kontratë, pasi që dyshimet tona janë të bazuara në prova konkrete, sepse çdo produkt duhet të përmbajë emrin e modelit apo prodhuesit, mirëpo që në këtë rast mostra e prezantuar nga OE i rekomanduar për kontratë nuk e posedon asnjë shenjë të tillë dalluese. Në këtë rast autoriteti kontraktues nuk ka respektuar edhe nenin 52.7 të LPP-se.

Në më 29.12.2023, kemi pranuar vendimin për refuzimin e kërkesës për rishqyrtim, me arsyetimin se e njëjta është e pa bazuar. Autoriteti kontraktues në vendimin e saj për refuzim të kërkesës për rishqyrtim, vetëm i ka përshkruar dispozitat ligjore për të cilat në kemi parashtruar pretendime se të njëjtat nuk janë respektuar, ku është mundur të arsyetohet duke thënë se janë respektuar të gjitha dispozitat ligjore me rastin e vlerësimit. Në e kemi cekur se mostrat e dorëzuar nga OE i rekomanduar për kontratë për Prangat, nuk posedojnë emrin e prodhuesit, ndonjë shenjë dalluese apo emrin e modelit, ndërsa AK-ja në lidhje me këtë pretendim e ka cekur se nuk është specifikuar decidivisht që mostrat e dorëzuara duhet të kenë ndonjë mbishkrim të prodhuesit, ndërsa ka vazhduar duke thënë se AK ju siguron se anëtarët e vlerësimit në mënyrë profesionale i kanë vlerësuar mostrat dhe se ato kanë përmbushur specifikimet teknike, ndërsa mostrat tjera të dorëzuara posedojnë shenjën e prodhuesit GK Profesional. Arsyetimi i autoritetit kontraktues është i pa bazuar dhe i paqëndrueshëm sidomos kur kemi parasysh se të gjitha produktet e një prodhuesi posedojnë emrin e tij, ose shenjat dalluese apo edhe emrin e modelit, mirëpo tek ky produkt nuk figuron asnjë e dhënë, atëherë dyshimet tona faktikisht po vërtetohen se ky produkt nuk është nga prodhuesi për të cilin OE i rekomanduar për kontratë ka prezantuar autorizimin. Për autoriteti kontraktues ka bërë shmangie nga pretendimi ynë ankimor pasi që nuk ka dhënë arsye të konkretë për të dëshmuar të kundërtën e pretendimit tonë ankimor, por vetëm e ka cekur se nuk është specifikuar një gjë e tillë.

Autoriteti kontraktues në përgjigje ndër të tjera ka thënë se për mostrat për pranga nuk është kërkuar që të posedojë emrin e prodhuesit, kurse për mostrat tjera është përgjigjur se posedojnë shenjën e prodhuesit GK Profesional.

Me këtë përgjigje vetë autoriteti kontraktues e pranon se oferta e OE të rekomanduar për kontratë ka mangësi, mirëpo i shmanget kësaj mangësie duke u përgjigjur për mostrat e tjera. Po ashtu për mostrat tjera kur ka dhënë përgjigje i ka bashkëngjitur edhe fotot e këtyre mostrave që e përmbajnë emrin e prodhuesit por nuk ka bashkëngjitur foto për mostrat për pranga, e për të cilat në kemi ngrit pretendime ankimore dhe për të cilat qartë shihet se nuk përmbajnë asnjë të dhënë të prodhuesit. Me poshtë janë fotot të cilat në po i kontestojmë. Nga këto foto shihet qartë se

mostra per pranga nuk permban asnje te dhene te prodhuesit, prandaj ketu shihet arsyetimi favorizues i AK-se, ku ne njeran ane per disa mostra e cek qe kane te dhena te prodhuesit, ndersa per mostrat per pranga thote se nuk jane kerkuar. Pra AK-se perdor standarde te dyfishta ne pergjigje dhe ne vleresim te ofertave. Ne lidhje me pretendimin tjeter ku e kemi cekur se OE i rekomanduar per kontrate nuk e ka plotesuar kerkesen ne lidhje me ISO standardin 9001-2015, pasi qe ne kerkese eshte specifikuar decidivisht se Certifikatat e prezantuar duhet te posedojne linkun per verifikim online, autoriteti kontraktues edhe kete pretendim tonin e ka cilesuar si te pa bazuar. E njejta ne vendimin e saj e ka cekur se AK-ja e ka verifikuar kete standard permes kodit qe gjendet ne standardin e dorezuar. Arsyetimi i autoritetit kontraktues eshte i paqendrueshem, per faktin se kerkesa e dosjes se tenderit ka qene shume e qarte se certifikatat duhet te posedojne linkun per verifikim, andaj perderisa ne certifikaten e prezantuar nga ky OE nuk figuron nje link i tille i njejti duhet te eliminohet sepse nuk ka ofertuar konform kerkeses se dosjes se tenderit. Autoriteti kontraktues po e favorizon OE te rekomanduar per kontrate, per faktin se tani nuk po i referohet kerkeses ku eshte specifikuar decidivisht kerkesa ne lidhje me linkun. Neni 59.4 e percakton qarte kur nje tender konsiderohet i pergjegjshem dhe ate si ne vijim “Autoriteti kontraktues do te konsideroje nje tender si te pergjegjshem vetem nese tenderi ne fjale eshte ne perputhshmeri me te gjitha kerkesat e parashtruara ne njoftimin e kontrates dhe ne dosjen e tenderit”. Me keto mangesi te deshmive te OE te rekomanduar per kontrate rezulton se tenderi i ketij OE nuk eshte ne perputhshmeri me te gjitha kerkesat e dosjes se tenderit dhe te njoftimit per kontrate. Ne lidhje me pretendimin tone sa i perket autorizimit te prezantuar me sqarime shtesw nga OE i rekomanduar per kontrate pas dates se hapjes se ofertave, AK-ja e ka cekur se ka kerkuar sqarim dhe ka pranuar pergjigjen nga prodhuesi rreth kohezgjatjes se autorizimit dhe nuk konsiderohet ndryshim material pasi qe eshte vetem nje konfirmim nga prodhuesi per mbeshtetje te OE gjate kohezgjatjes se kontrates. Vet autoriteti kontraktues po e pranon se eshte bere nje autorizim i ri pasi qe i vjetri nuk ka pasur validitet sipas kerkeses se dosjes se tenderit, andaj ky fakt tregon qarte se autorizimi i prezantuar nga OE i rekomanduar per kontrate gjate sqarimeve eshte dokument i cili perben ndryshim material dhe substancial, sepse data i figuron pas dates se hapjes se ofertave. Pra ne kete rast nuk jane respektuar dispozilat e nenit 59 dhe 72.3 te LPP-se, dhe me kete veprim autoriteti kontraktues perseri po mundohet ne cdo menyre te favorizoj OE te rekomanduar per kontrate, ku i njejti edhe pse eshte i papergjegjshem po rekomandohet per kontrate. Fakti i mungeses se validitetit te autorizimit perben ndryshim substancial edhe per faktin se mund te kete operator ekonomik qe nuk kane ofertuar fare per shkak se autorizimi ka qene pa validitet, ndersa nese merret parasysh tani autorizimi i ri me validitet i OE te rekomanduar per kontrate perben favorizim te hapur per kete OE, ndersa diskriminim per operatoret tjere ekonomik dhe ky veprim bie ndesh me nenin 7 te LPP-se. Ndersa ne lidhje me pretendimin tone se autorizimi i leshuar per OE te rekomanduar per kontrate eshte i leshuar nga nje furnizues ashtu sic eshte specifikuar ne autorizim dhe jo nga nje prodhues sip eshte percaktuar ne dosje te tenderit, autoriteti kontraktues edhe ne kete rast pretendimin tone ankimor e ka cilesuar si te pa bazuar. Autoriteti kontraktues sa i perket ketij pretendimi e ka cekur se ka bere disa hulumtime dhe ne web faqen e tyre figuron si prodhues dhe cdo produkt i prezantuar tek AK jane te prodhuesit GK. Ky arsyetim i AK-se eshte i pa bazuar dhe i paqendrueshem per faktin se nga vet autorizimi i prezantuar nga OE i rekomanduar per kontrate shkruan se i njejti eshte furnizues dhe jo prodhues. Gjithashtu autoriteti kontraktues nuk ka dhene asnje deshmie per web faqen e kesaj kompanie dhe ky fakt tregon qarte se arsyetimi i AK-se eshte i paqendrueshem. Duke u bazuar ne te gjitha faktet e lartcekura kuptohet qarte se OE i rekomanduar per kontrate eshte i papergjegjshem, pasi qe nuk i ka plotesuar te gjitha kerkesat e dosjes se tenderit dhe specifikimeve teknike dhe si i tille eshte dashur te eliminohet nga ky aktivitet i prokurimit. Duke u bazuar ne deshmite dhe faktet qe u ceken me larte, rezulton se

ekzaminimi vleresimi dhe krahasimi i tendereve nuk eshte bere ne harmoni me nenin 59 te LPP-se dhe njekohesisht nuk eshte respektuar edhe kriteri kryesor per dhenie te kontrates, e qe ka qene tenderi i pergjegjshem me cimim me te ulet sipas neni 60 paragrafi 1.1 i LPP-se. Neni 72 i LPP-se eshte perdor ne menyre favorizuese ne raport me OE e rekomanduar per kontrate. Nuk eshte respektuar edhe neni 7 i LPP-se, sepse nuk jane trajtuar te gjitha operatoret ekonomik njejte por eshte favorizuar OE i rekomanduar per kontrate, ndersa paragrafi 1 i nenit 7 te LPP-se e parasheh qarte qe "Autoriteti kontraktues do ti trajtoj operatoret ekonomik ne menyre te barabarte dhe jo- diskriminuese dhe do te veproje ne menyre transparente, mirepo ju nuk i jeni permbajtur as kesaj dispozite ligjore. Gjithashtu paragrafi 6 i kesaj dispozite, pika (vi) shkruan qarte citojme "qe tenderi i zgjedhur te perputhet me te gjitha aspektet permbajtjesore te kushteve, kriterëve dhe specifikimeve perkatese". Ndersa ne kete rast OE i rekomanduar per kontrate eshte i pergjegjshem dhe oferta e tij nuk perputhet me kerkesat e dosjes se tenderit dhe te njoftimit per kontrate.

2. Përgjigjet e AK në pretendimet e OE në kërkesën për rishqyrtim

Autoriteti Kontraktues nuk e ka shkelur Neni 1 Qëllimi-Qëllimi i aktivitetit është marrja e fumizimeve plotësisht sipas kërkesave të AK dhe kriteret janë përcaktuar në përputhje me qëllimin e aktivitetit të prokurimit dhe si rrjedhojë AK ka siguruar mënyrën më efikase, më transparente dhe më të drejtë të shfrytëzimit të fondeve publike, burimeve publikuesi dhe të gjitha fondeve dhe burimeve të tjera të autoriteteve kontraktuese në Kosovë duke përcaktuar kushtet dhe rregullat që do të zbatohen, procedurat që do të ndiqen, të drejtat që do të respektohen dhe detyrimet që do të përmbushen nga personat, operatorët ekonomik, ndërmarrjet, autoritetet kontraktuese, koncesionerët e punëve dhe organet publike që zhvillojnë, përfshihen, marrin pjesë ose interesohen, në aktivitetet e prokurimit ose që përfshihen ose kanë të bëjnë me fondet dhe/ose burimet e tilla. Komisioni i vlerësimit ka bërë vlerësimin e ofertave konform kërkesave të dosjes së tenderit dhe njoftimit për kontrate dhe ka rekomanduar për kontratë OE që i ka plotësuar të gjitha kriteret e kërkuara në dosjen e tenderit dhe në njoftimin për kontrate. Oferta e juaj është e ofertë e përgjegjshme me çmimin me të lartë se OE i rekomanduar për kontratë. ky pretendim është e pa bazuar. AK ka shkelur nenin 7 Barazia në Trajtim/ Jo-Diskriminimi të LPP-ës, nuk qëndron pasi AK, sqaron se Autoriteti kontraktues i ka trajtuar te gjithë operatorët ekonomik në mënyrë të barabartë dhe jo- diskriminuese dhe ka vepruar në mënyrë transparente, ku të gjithë Operatorët Ekonomik pjesëmarrës ne këtë aktiviteti i ka trajtuar të barabartë. Po ashtu AK, sqaron se gjatë udhëheqjes se aktivitetëve te prokurimit, AK ka vepruar ne harmoni me LPP-ne që tenderi i zgjedhur te përputhet me të gjitha aspektet përmbajtjesore të kushteve, kriterëve dhe specifikimeve përkatëse pasi që oferta e rekomanduar për kontrate i plotëson te gjitha kriteret e kërkuara ne dosjen e tenderit dhe në njoftimin për kontrate. Andaj, Komisioni i vlerësimit ka bërë vlerësimin e ofertave konform kërkesave të dosjes së tenderit dhe njoftimit për kontrate dhe ka rekomanduar për kontratë OE që i ka plotësuar të gjitha kriteret e kërkuara në dosjen e tenderit dhe në njoftimin për kontratë, ky pretendimi është i pa bazuar.

Autoriteti Kontraktues nuk e ka shkelur Nenin 52 i LPP-se sipas pretendimit te OE se mostrat e dorëzuar nuk posedojnë emrin e prodhuesit AK sqaron se nuk është e specifikuar decidivisht qe mostrat e dorëzuar duhet te kenë ndonjë mbishkrim te prodhuesit, AK ju siguron se anëtarët e vlerësimit ne mënyre profesionale e ka vlerësuar mostrat dhe ka përmbush specifikat e detyrueshme ndërsa mostrat e tjera te dorëzuar posedojmë shenjen e prodhuesit GK Profesional, me poshtë gjeni fotot ky pretendim është e pa bazuare.

AK ka shkelur nenin 59 të LPP-ës nuk qëndron pasi AK ka vlerësuar mbi bazën e kriterëve të kërkuara në DT dhe njoftimit për kontratë dhe mbi bazën e mostrave të dorëzuar nga OE pjesëmarrës dhe ka vlerësuar në harmoni të plotë me kriterëve të përcaktuara në dosjen e tenderit dhe në njoftimin për kontratë dhe është rekomanduar për kontratë OE i cili i ka plotësuar të gjitha kërkesat në dosjen e tenderit dhe njëkohësisht është Tenderi i përgjegjshëm me Çmimin më të ulët. ky pretendim është e pa bazuar.

AK ka shkelur nenin 60 të LPP-ës, nuk qëndron pasi AK, sqaron se nuk ka bërë shkelje të këtij neni pasi që vlerësimi i ofertave është bërë në harmoni me Ligjin e Prokurimit Publik, RREGULLORE Nr.001/2022 PËR PROKURIMIN PUBLIK, në harmoni të plotë me kriterëve të përcaktuara në dosjen e tenderit dhe në njoftimin për kontratë dhe është rekomanduar për kontratë OE i cili i ka plotësuar të gjitha kërkesat në dosjen e tenderit dhe njëkohësisht është Tenderi i përgjegjshëm me Çmimin më të ulët Oferta e juaj është me çmim më të lartë se oferta e rekomanduar për kontratë ky pretendim është e pa bazuar.

AK ka shkelur nenin 69 të LPP-ës, nuk qëndron pasi AK, sqaron se nuk ka bërë shkelje të këtij neni pasi që ka vlerësuar mbi baze të kriterëve të kërkuar në njoftimin për kontratë dhe DT dhe ka vlerësuar mbi baze të mostrave të dorëzuar, ndërsa sa përket pretendimit se Certifikata ISO 9001-2015 nuk e ka linkun në Certifikatën e dorëzuar AK ka verifikuar këtë standard përmes kodit i cili gjendet në standardin e dorëzuar. ky pretendim është e pa bazuar.

AK ka shkelur nenin 72 të LPP-ës dhe Neni 38 i Rregullores Nr.001/2023 për prokurim publik. nuk qëndron pasi AK ka kërkuar sqarim i nga prodhuesi, AK ka pranuar përgjigje nga prodhuesi rreth kohëzgjatjes së autorizimit dhe nuk konsiderohet ndryshim materialit pasi që vetëm një konfirmim nga prodhuesi për mbështetje të OE gjatë kohëzgjatjes së kontratës.

Sa përket pretendimit se GK Profesional nuk është prodhues por është vetëm furnizues AK sqaron OE të lista e çmimeve emri prodhuesit dhe vendi i origjinës është specifikuar si prodhues GK profesional se pas disa hulumtimeve në web faqen e GK profesional ky ekziston si prodhues dhe çdo produkt i prezantuar tek AK janë të prodhuesit GK Profesioan, ky pretendim është e pa bazuar.

Lidhur me këtë, me 01/02/2024, eksperti shqyrtues ka dorëzuar Raportin e vlerësimit me rekomandimet si në vijim:

- Ankesa e OE ankues të aprovohet si pjesërisht e bazuar;
- Vendimi i AK-se për dhënie të kontratës, të anulohet ndërsa lënda të kthehet në ri-vlerësim

3. Konstatimet e ekspertit shqyrtues

Sa i përket pretendimit lidhur me autorizimin e prodhuesit që kompania ankuese e ka cekur eksperti konstaton se kompania e rekomanduar për kontratë ka dorëzuar autorizimin e prodhuesit me datën 10.11.2023 ndërsa hapja e ofertave ka qene 30.11.2023, mirëpo në këtë autorizim nuk ceket me kohëzgjatje të kontratës siç ka kërkuar Autoriteti Kontraktues i Policisë së Kosovës. We GK PROFESSIONAL, who are official supplier of Handcuffs and Batons, headquartered at [159 Avenue Gallieni, 93177 Bagnolet, FRANCE, do hereby authorize Pricom sh.p.k to submit a bid the purpose of which is to provide the Goods, supplied by us, and to subsequently negotiate and sign the Contract. Shih kriterin e DT: e) Autorizim nga prodhuesi distributorit të autorizuar të prodhuesit për shitjen e produkteve për tenderin (me titull dhe nr. Prokurimit të projektit në fjalë

në kohëzgjatje të kontratës).

Autoriteti Kontraktues i Policisë së Kosovës ka kërkuar sqarim lidhur konfirmimin e kohe zgjatjes së autorizimit nga kompania “GK PROFESIONAL “ France me datën 07.12.2023 që nuk është i cekur sa është afati i tenderit në autorizim. Kompania “GK Profesional” është përgjigjur dhe ka cekur në autorizim se ka validitet 12 muaj siç ka qenë kërkesa e dosjes së tenderit.

WHEREAS We GK PROFESSIONAL, who are official supplier of Handcuffs and Batons, headquartered at [159 Avenue Gallieni, 93177 Bagnolet, FRANCE, do hereby authorize Pricom sh.p.k to submit a bid the purpose of which is to provide the Goods, supplied by us, and to subsequently negotiate and sign the Contract. The authorization is valid for the whole execution of the contract for 12 months.

AK Policia e Kosovës kur ka kërkuar sqarim për autorizim konstaton si ekspert se pyetja që ju është drejtuar ka kërkuar konfirmimin e kohëzgjatjes të autorizimit pasi në autorizimin e dorëzuar nuk ka qenë i përcaktuar. Autorizimin që ka dorëzuar kompania e rekomanduar për kontratë eksperti mundet të konkludoj se autorizimi është lëshuar për këtë aktivitet të prokurimit me numër të prokurimit që i bje se për këtë aktivitet sa është e përcaktuar sasia ka autorizim që i bie se për atë sasi është autorizuar kompania e rekomanduar për kontratë. Ndërsa sa i përket se nuk është e cekur vlefshmëria në autorizim 12 muaj kjo mundet të konsiderohet si devijim i vogël pasi autorizimi është lëshuar për aktivitet të prokurimit dhe për ekspertin shqyrtues AK-ja Policia e Kosovës nuk është dashur të beje sqarime lidhur për këtë pikë të autorizimit pasi autorizimet lëshohen për aktivitet të prokurimit.

Sa i përket autorizimit që është dorëzuar pas sqarimit të kërkuar nga AK-ja me datën 12. 08. 2023 në këtë autorizim ceket vetëm vlefshmëria që është kërkuar për 12 muaj që është përgjigjur sqarimit të AK-së Policisë së Kosovës se pjesa tjetër e autorizimit është sipas autorizimit që është në oferte, ky Autorizim është për sqarim të vlefshmërisë që nuk është ndryshim material. Lind pyetja se a ka pas drejt AK-ja kur ka sqaruar vlefshmërinë e autorizimit unë si ekspert mendoj që nuk ka pas arsye me kërkuar sqarim pasi autorizimi është lëshuar për aktivitet të prokurimit për komplet sasinë sa është kërkuar në dosjen e tenderit. Pretendimi i OE ankues “Sodex Group SH.P.K, se autorizimi nuk është lëshuar nga prodhuesi por është i lëshuar nga Furnizuesi, autorizimi është i lëshuar nga furnizuesi mirëpo kërkesa e dosjes së tenderit ka qenë duhet të dorëzohet autorizimi nga prodhuesi ose distributori i autorizuar i prodhuesit, pra në këtë rast distributor mundet të jete furnizues .Shih kërkesën e) Autorizim i lëshuar) nga prodhuesi / distributorit të autorizuar të prodhuesit (me titull dhe nr. Prokurimit të projektit në fjalë në kohëzgjatje të kontratës).

Ndërsa sa i përket se a ka drejt “GK PROFESSIONAL” si distributor për lëshimin e autorizimit mendoj se komisioni i vlerësimit i AK-së Policia e Kosovës është dashur të beje sqarime lidhur për këtë kërkesë të dosjes se a ka pas të drejtën me lëshuar autorizime kompania “GK PROFESSIONAL”. AK-ja duhet të beje sqarimin lidhur me të drejtë se a ka pas drejt si distributor të lëshoj autorizimet kompania “GK PROFESIONAL”. Pretendimi ankimor konstaton se është pjesërisht i bazuar.

Konstatimi i dytë: Sa i përket pretendimit lidhur me Certifikatën ISO Standarde të 9001-2015 që OE i rekomanduar nuk e ka linkun për verifikim sic ka qenë në dosjen e tenderit , unë mendoj si eksperte, se pari ka qenë kërkesa e dosjes e kërkuar gabim pasi kompanit e akridtuar si “SGS” për certifikatat e standardeve kanë modele/dizajnet e certifikatave standard që i lëshojnë për

kompani që i kërkojnë. Duke u bazuar në këto mendime si ekspert se këto kompani nuk i ndryshojnë certifikatat sipas kërkesave të AK-së që të jete edhe linku për verifikim të certifikatës, në certifikatat ISO është numri i serik/akredituar. Në dyti kjo certifikatë është lëshuar në korrik 2023 dhe është lëshuar për kompaninë GK Profesional që ka afat deri 2026 që i bje që është dokument që është lëshuar për njoftimin për kontratë dhe AK-ja mund të me ja kërkuar OE cdo dokument që është i lëshuar për njoftimin për kontratë, mirpo këto certifikatë konstatoj se AK-ja e ka sqaruar/verifikim certifikatën. Nëse AK-ja ka pasur dyshime në bazë të nenit 59 ka mundur të kërkojë sqarime për këto dokumenta gjithashtu edhe në bazë të nenit 72 të LPP-së ka mundur të kërkojë këto dokumenta pasi janë të lëshuar për publikimin të njoftimit për kontratë. Eksperti konstaton se i ka verifikuar AK-ja Policia e Kosovës dhe pretendimi është i pa bazuar. Neni 10 i Udhëzuesit për prokurim publik karte parashih situatat kur AK, duhet të kërkojë sqarim shtesë nga tenderuesi - kandidati.

Konstatimi i tretë: Eksperti shqyrtues konstaton se në dosjen e tenderit nuk janë kërkuar që mostrat të kenë emrin e prodhuesit as emrin e modelit, (b) OE duhet të dorëzojë nga një mostër për secilin artikull në ditën e hapjes para orës 14:00h) gjithashtu OE i rekomanduar për kontratë “Pricom shpk” ka dorëzuar autorizimin e prodhuesit dhe ka nënshkruar deklaratën se do të qëndroj pas ofertës që ka ofertuar. Në përshkrimin e çmimit e ka cekur emrin e prodhuesit dhe origjinën e prodhuesit që përputhet me autorizim kështu që AK-ja gjatë fazës së realizimit të kontratës duhet të bëhet pranimi i mallit sic ka qitur në oferte për Origjinë nga Franca prodhuesi GK Profesional kështu që është përgjegjësi e AK-së. E sa i përket pse nenit 52.7 që OE ankues ju ka referuar në këtë rast AK ka vërtetuar dokumentet që ka pasur dyshime siç është autorizimi për validitet, certifikatën ISO ndërsa për mostra nuk ka dyshime dhe nuk ka qene kërkesë e dosjes së tenderit kështu që për ekspertin shqyrtues nuk kanë pasur të drejtë AK-ja të kërkon sqarim ose ta eliminon kompaninë “Pricom” që në mostra nuk ka emër të prodhuesit për ekspertin shqyrtues ky pretendim është i pa bazuar derisa nuk ka qene kërkesë e dosjes së tenderit.

Konstatimi i katërt: Sa i përket nenit 7 diskriminimit mendoj se është vlerësuar oferta e OE ankues në përputhje me nenin 59 të LPP-së që është cilësuar si OE i suksesshëm me çmim më të lartë dhe nuk është bërë një diskriminim i qëllimshëm nga AK-ja këtij OE ankues.

- Gjetjet e Panelit Shqyrtues -

Bazuar në shkresat e kësaj lënde, Paneli konsideron se lidhur me çështjen në rastin konkret, nuk ka nevojë të konvokohet seanca dëgjimore me palë, në kuptim të nenit 24 paragrafit 1 të Rregullores së Punës së OSHP, duke marrë parasysh faktin që pretendimet e palëve dhe parashtrirat e tyre, provat si dhe raporti i ekspertit shqyrtues ofrojnë të dhëna të mjaftueshme për të vendosur në aspektin meritues.

Paneli shqyrtues vlerëson se Raporti i ekspertit shqyrtues, i hartuar me kërkesën e Panelit lidhur me kontestin në këtë lëndë të aktivitetit të prokurimit publik, përmban elementet qenësore të një dokumenti të tillë sikurse parashihet me dispozitën e nenit 113 lidhur me nenin 114 të LPP, sipas të cilit kërkohet nga eksperti që ta shqyrtojë gjithë dokumentacionin e prokurimit, përfshirë të gjitha pretendimet ankimore dhe të pajisë Panelin dhe të gjitha palët në kontest me një vlerësim të pavarur dhe profesional mbi aktivitetin e prokurimit dhe vlefshmërinë e pretendimeve ankimore.

Mirëpo duhet theksuar faktin ligjor se raporti i ekspertizës nuk është detyrues për Panelin shqyrtues dhe se çdo raport i tillë vlerësohet dhe/ose analizohet në kontekstin e përgjithshëm të shkresave të lëndës, fakteve të pohuara dhe të provave eventuale të tjerë, duke e pasur parasysh natyrën e shkeljeve eventuale, rrjedhën, natyrën dhe qëllimin e aktivitetit të prokurimit, prandaj

fakti se në cilat raste dhe për çfarë, Paneli e mbështetet apo jo, raportin e ekspertit dhe/ose ndonjë nga rekomandimet, i takon gjyqimit të pavarur dhe profesional të tij/sajë, ashtu sikurse i adresohen këto përgjegjësi në kuptim të nenit 98, 99 lidhur me nenin 105 të Ligjit të Prokurimit Publik.

Paneli vlerëson se Raporti i Shqyrtimeve, i ka trajtuar në mënyrë profesionale objektive dhe pretendimet e Operatorit Ekonomik, raporti është paraprakisht një ekspert që në dokumentet përkatëse i referohen aktiviteteve të prokurimit. Konstatimet në raportin e mundshëm të konfirmohen nga dosjet e tenderit si dhe dokumentet e tyre të cilat kanë ofertuar tenderuesit. Paneli Shqyrtues lidhur me pretendimet e operatorit ekonomik ankues i ka falur besimin e plotë të raportit të ekspertit, sipas të cilit pretendon ankimore të Operatorit Ekonomik ankues, janë vlerësuar si të tillë.

Paneli shqyrtues pas administrimit dhe rekomandimeve të provave, konstatimit të ligjshëm të gjendjes faktike, duke u bërë materiale në LPP si zbatueshëm, pas disa pretendimeve ankimore, duke marrë parasysh të gjitha shkresat e lëndëve dhe rekomandimeve të ekspertit shqyrtues, ka gjetur se ankesa e Operatorit duhet të aprovohet pjesërisht e bazuar, dhe lënda të kthehet në rivlerësim. Rrjedhim, Paneli Shqyrtues konsideron se si ekspertit dhe aktet e AK, dhe mendimet e shqyrtimeve lidhur me lidhjen jo të plotë të kushteve që janë parë si më sipër dhe pohimet ankimore në këto raste të veçanta janë që aktivitetet e prokurimit të kthehen në rivlerësim. AK me rastin e ri-vlerësimit të veproj konform rekomandimeve të ekspertit shqyrtues.

Paneli shqyrtues në faktin e aprovimit të ankesave të OE, vendosi të kthehet në tarifën e ankesës në shumën e tyre dhe të deponuar nga operatorët ekonomik ankues të lidhur në nenin 31 par. 4, lidhur me me par 6 të Rregulloreve të Punës së OSHP.

Paneli shqyrtues thekson se konform nenit 1 dhe 6 të LPP-së, se Autoritet kontraktuese ushtrojnë funksionin e tyre në procesin e prokurimit publik, mirëpo mbetet në kompetencat dhe të tjerat e akuzuara për organin e pretendimeve të ankimuara dhe të ligjshmërisë në procesin e prokurimit sipas nenit 24, paragrafi 2 i LPP cituar "Autoriteti kontraktues është përgjegjës për të qëndruar që të gjitha aktivitetet e prokurimit të autoritetit të këtyre kontratave të ekzekutohen në përputhshmëri të plotë me këtë ligj" lidhur me nenin 59,1 cituar "Autoriteti kontraktues do të themeloj një Komision Vlerësues për përmirësimin dhe krahasimin e Komisionit Vlerësues marrin pjesë në kryerjen e veprimeve individuale.

Paneli Shqyrtues ka vend në me kompetencat juridike në kuptimin e 104 paragrafi 1 dhe paragrafi 4 lidhur me nenin 103, dhe nenin 105 të LPP-së për veprimet e procedurave të gjyqimit të prokurimit në mënyrë të shpejtë, të drejtë, pa diskriminim, me qëllimet e zgjidhjes së ligjshme dhe efektive të lëndëve. Prandaj Paneli Shqyrtues i konstatimit të bazës së tij në dispozitat përkatëse të LPP-së, të cilat parashohin dhe rregullojnë situatën e tillë, që mund të shfaqen gjatë një aktiviteti të prokurimit.

Nga sa u tha më sipër është vendosur në dispozitiv të vendimit.



Kryetar i Panelit Shqyrtues
Vedat Poterqoi

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi ka të drejtë t'i drejtohet Gjykatës Komerciale në Prishtinë, në afat prej 30 ditësh nga data e pranimi të këtij vendimi.

Vendimi t'i dorëzohet:

- **AK - POLICIA E KOSOVËS**
- **OE - Sodex Group SH.P.K.**
- Arkivës së OSHP-së: